



AD
FLORENTISSIMAM
SCOTIÆ
SOCIETATEM

AD
Indos & Afros
NEGOTIANTES
Isthmum olim Darienum, nunc CALEDONIAM, foeliciter occupantem :
CARMEN CONGRATULATORIUM;

Quod

In publicis, Academiæ JACOBI VI. Regis Edinburgens Comitibus, VI. Kalend. Quintil. 1699.
Cecinit

MATTHIAS SYMSON,
Pro Laurea Magisteriali Candidatus.



ACTENUS innumeris fulgebat SCOTIA Cœptis,
Cujus Fama Polos jamdudum invaserat Orbis.
Nullus enim, Scoto, Populus magè promptus ad Arma;
Qui postquam patrios defenderat Ense Penates
Bis mille annorum spatio (licet undique sævos
Convulsi Deorum Hostes,) adversus Hybernos,

Noruegos, Piæque, Anglos, Danisque cruentos,
Sæpeque Septijugæ prostraverat Agmina Romæ,
(Pristina nunc nec adhuc Scotorum est languida Virtus.)
Nec mala Fata timens, neque Spe suffultus inani,
Ecce novam Americas jam Classem misit in Oras.

Læta, Caledonii, festivo ostendite Plausu
Gaudia; vestra boent resonant Tormenta fragore;
Buccina plangat ovans; Tuba clangat amœna; canoros
Cornua flexa sonos edant; Cava Tympana raucos
Horribondisque altos strepitus reboent; nihil absit
Quod nunc Lætitiæ poterit depromere vestram.

Scotica nam Classis longinqua in Littora tendens,
Ecce CALEDONIAS foeliciter { appulit } { occupat } Oras.
Æquora quæ rapidis Ventis agitata, tumescunt,
Et Mare spumantes quod tollit ad Æthera Fluctus,
Cernere erat sævas paulatim ponere Vires
Atque frui summâ, tranquillâ Pace, Quiete,
Annueret & magnis vestris foelicibus Ausis.
Æolus, occultis Auras qui fundit ab Antris,
Implevit placidis Scotorum Carbasa Ventis

Donec ad optatum fuit acta Colonia Portum.

Albion euge; Tibi nam nunc Fortuna sereno
Læta favet Vultu; Tibi fertilis India servit,
Atque tuo Imperio cupit Africa fusca subire,
Unde datur Gemmasque immensas ducere Gazas,
Cunctaque mercadia Vires tendent in Usus,
Queis tu dives eris: Neque post meminisse juvabit
Quam tibi Pauperiem jactaverat Anglia quondam.

Magnanimi Heroes quorum Virtute patrantur
Talia (nunc vestrum taciturno Carmine Nomen
Præterisse Nefas) quamvis per mille Labores,
Spiritus & Quorum diviniore occupat Ardor
Ornandi Patriam: Proavos Virtute præitis;
Immortale Decus Patriæ, quoque Gloria vestra,
Sub Quorum Auspiciis, ad aviti Culmen Honoris
Erigitur (depressa diu!) jam Scotica tellus,
Atque Caledonium fertur super Æthera Nomen;
Hoc agite: & magnis clarescere pergite Cœptis:

En vestra Australes quæ vexat Fama Britannos,
Terruit Hispanos, extremos subingat Indos,
Vivet in æternum; celebris Laus vestra vigebit
Usque futurorum per sæcula sera Nepotum,
Dum rutilâ celsum Sol Luce serenat Olympum,
Instabilis tacitæve regat dum Cynthia Noctem.

Accipite, at faciles, nostra Libamina Musæ;
Cum nequeat, tenui, majora sonare Cothurno.